

„საქართველოს ტექნიკური უნივერსიტეტი“

ბრძანება

18.01.2010 № 1/02

Handwritten signature

[სტუდენტთა 78-ე ღია-საერთაშორისო სამეცნიერო ტექნიკური კონფერენციის ჩატარების გეგმის შესახებ]

დამტკიცდეს საქართველოს ტექნიკური უნივერსიტეტის სტუდენტთა ღია-საერთაშორისო სამეცნიერო ტექნიკური კონფერენციის ჩატარების გეგმა შემდეგი რედაქციით:

1. კონფერენციის ჩატარების ფორმა:

- 1.1. საქართველოს ტექნიკური უნივერსიტეტის სტუდენტთა ღია სამეცნიერო ტექნიკურ კონფერენციაზე მონაწილეობის უფლება აქვთ მხოლოდ ამავე უნივერსიტეტის უმაღლესი პროფესიული სწავლების, ბაკალავრიატის, მაგისტრატურის და დოქტორანტურის სტუდენტებს;
- 1.2. სხვა უმაღლესი სასწავლებლის სტუდენტები კონფერენციაზე დაიშვებიან კონკურსგარეშე, მომხსენებლის სტატუსით;
- 1.3. კონფერენცია ტარდება ორ ეტაპად:
I ეტაპზე (კონფერენციის წინა მოსასმენი ეტაპი) ხდება სტუდენტთა მიერ შესაბამისი პროცედურის დაცვით (პუნქტი 1.5.) წარმოდგენილი ნაშრომების მოსმენა სექციების მიხედვით, რის შემდეგაც შესაბამისი სექციის ჟიურის მიერ გამოვლინდებიან ის სტუდენტები, რომლებიც კონფერენციის II ეტაპზე (ძირითადი, იგივე დასკვნითი ეტაპი) მიიღებენ მონაწილეობას;
- 1.4. დეპარტამენტები, თემის მოსამზადებლად შესაბამისი მითითებების მიცემის მიზნით უზრუნველყოფენ მიმართულებების მიხედვით ლექტორების მიმაგრებას იმ სტუდენტებზე, რომლებიც გამოთქვამენ კონფერენციაში მონაწილეობის სურვილს;
- 1.5. კონფერენციის მონაწილე სტუდენტი ვალდებულია ნაშრომის ერთი ეგზემპლარი წარადგინოს შესაბამის დეპარტამენტში (სექციაში) I ეტაპის დაწყებიდან მინიმუმ 5 დღით ადრე;
- 1.6. კონფერენციაში მონაწილეობის მისაღებად ერთმა ხელმძღვანელმა არ შეიძლება მოამზადოს ხუთ სტუდენტზე მეტი;
- 1.7. კონფერენციის I ეტაპზე სტუდენტის მიერ საკუთარი ნაშრომის წარმოდგენის დრო განისაზღვრება მაქსიმუმ 30 წუთით, II ძირითად ეტაპზე კი – მაქსიმუმ 15 წუთით;
- 1.8. კონფერენციის პირველ და მეორე ეტაპებზე გამარჯვებული თემები გამოვლინდება სპეციალურად დაკომპლექტებული ჟიურის მიერ. ჟიურის შემადგენლობაში შედის იმდენი წევრი, რამდენი მიმართულებაცაა ამ დეპარტამენტში (თითოეული მიმართულებიდან ერთი წევრი), ასევე დეპარტამენტის ხელმძღვანელი, რომელიც ამავდროულად არის ჟიურის თავმჯდომარე და ერთი სტუდენტი;
- 1.9. უმაღლესი პროფესიული სწავლების, ბაკალავრიატის, მაგისტრატურისა და დოქტორანტურის სტუდენტებისათვის კონკურსი როგორც პირველ, ასევე II ეტაპზე ტარდება ცალ-ცალკე, ერთმანეთისაგან დამოუკიდებლად;
- 1.10. კონფერენციის პირველ ეტაპზე მონაწილეობას ღებულობს იმდენი სტუდენტი, რამდენი განაცხადიც დარეგისტრირდება 1.5. პუნქტით განსაზღვრული პროცედურის დაცვით; კონფერენციის მეორე ეტაპზე მონაწილეობას ღებულობენ ის სტუდენტები (ერთ სექციაზე ბაკალავრიატის მაქსიმუმ 10, პროფესიული სწავლების – 7, მაგისტრატურის – 5, დოქტორანტურის – 3 სტუდენტი), რომლებიც წარმატებით გაივლიან I ეტაპს;
- 1.11. ნაშრომთა შეფასების კრიტერიუმები კონფერენციის I და II ეტაპებისთვის იდენტურია. ნაშრომთა შეფასების ძირითადი კრიტერიუმებია:
 - 1) ნაშრომში დასმული საკითხის ავტორისეული გადაწყვეტა და დასკვნების დასაბუთება;
 - 2) ნაშრომის აქტუალურობა;
 - 3) დისკუსია ჟიურის წევრთან;
 - 4) მომხსენებლის გადმოცემის უნარი.
- 1.12. თითოეულ კრიტერიუმში მაქსიმალური შეფასება არის 10 ქულა. საბოლოო შედეგი გამოითვლება თითოეული კრიტერიუმის ქულათა ჯამური რაოდენობით. ერთნაირი ქულების შემთხვევაში გადაწყვეტილებას იღებს შესაბამისი სექციის ჟიური;

- 1.13. კონფერენციის II ეტაპზე თითოეულ სექციაში გამარჯვებული სტუდენტების რაოდენობა არ შეიძლება იყოს სამზე მეტი – ერთი I, ერთი II, ერთი III ადგილი (გამარჯვებულთა გამოვლენა ხდება სწავლების საფეხურების მიხედვით 1.9. პუნქტის შესაბამისად);
- 1.14. დეპარტამენტის (სექციის) ხელმძღვანელი ვალდებულია სექციის მუშაობის ანგარიში (ოქმი) წარმოადგინოს სპორტის, კულტურის, სტუდენტებთან და კურსდამთავრებულებთან ურთიერთობის განყოფილებაში – I ეტაპის (მოსმენის) დამთავრების შემდეგ მაქსიმუმ სამი დღის ვადაში, II ეტაპის დამთავრების შემდეგ – ერთი დღის ვადაში.

2. კონფერენციის ორგანიზება და მართვა

საქართველოს ტექნიკური უნივერსიტეტის სტუდენტთა შიდა საუნივერსიტეტო სამეცნიერო კონფერენციის ორგანიზებას უზრუნველყოფს ამავე უნივერსიტეტის სპორტის, კულტურის, სტუდენტებთან და კურსდამთავრებულებთან ურთიერთობის განყოფილება.

აღნიშნულ განყოფილებას შიდა საუნივერსიტეტო კონფერენციის ორგანიზებასთან დაკავშირებით აკისრია შემდეგი ფუნქციები:

- ა) ფაკულტეტების დეკანატებთან და შესაბამის დეპარტამენტებთან ერთად ამტკიცებს შიდა საუნივერსიტეტო კონფერენციის სექციებს და ჟიურის შემადგენლობას;
- ბ) ახორციელებს მონიტორინგს კონფერენციის მიმდინარეობაზე;
- გ) ორგანიზებას უწევს შიდა საუნივერსიტეტო კონფერენციაში მონაწილე სტუდენტების თეზისების კრებულის გამოცემას;
- დ) უზრუნველყოფს შიდა საუნივერსიტეტო კონფერენციის გეგმით დადგენილი ფორმით ჩატარებას.

3. კონფერენციასთან დაკავშირებული სხვა დონისძიებები

შიდა საუნივერსიტეტო სამეცნიერო კონფერენციასთან დაკავშირებით შესაძლებელია განხორციელდეს სხვადასხვა დონისძიებები (გამოიცეს კონფერენციაში გამარჯვებულ სტუდენტთა ნაშრომების თეზისების კრებული და სამეცნიერო ჟურნალი, ასევე კონფერენციაში გამარჯვებულ სტუდენტებს გადაეცეთ შესაბამისი დიპლომები, ფასიანი საჩუქრები და ა.შ.)

საფუძველი: საქართველოს ტექნიკური უნივერსიტეტის სპორტის, კულტურის, სტუდენტებთან და კურსდამთავრებულებთან ურთიერთობის განყოფილების უფროსის ბორის გითოლენდიას წარდგინება

რექტორი, პროფესორი

ა. ფრანგიშვილი

სპორტის, კულტურის, სტუდენტებთან და კურსდამთავრებულებთან ურთიერთობის განყოფილების უფროსი

ბ. გითოლენდია

იურიდიული დეპარტამენტის უფროსი

ბ. მაისურაძე